

Namo tassa bhagavato arahato sammāsambuddhassa

## Kavidappaṇanīti

### Mātikā

Yathādhammikaṛājūnaṃ, amaccā ca purohitā;  
Nītisatthaṃ sunissāya, nicchayanti vinicchayaṃ.

Aṅgāni vedā cattāro, mīmaṃsānyāya vitthāro;  
Dhammasatthaṃ purāṇaṅca, vijjā hetā catuddasa.

Āyubbedo manubbedo, gandhabbo ceti te tayo;  
Atthasatthaṃ catutthaṅca, vijjāhyāṭṭharasa matā.

Sutisamutisaṅkhyā ca, rogānīti visesakā;  
Gandhabbā gaṇikā ceva, dhanubbedā ca pūraṇā.

Tikicchā itihāso ca, jotimāyā ca chandati;  
Ketumantā ca saddā ca, sippāṭṭhārasakā ime.

Damo daṇḍo itikhyāto, taṭṭhādaṇḍo mahīpati;  
Tassa nīti daṇḍanīti, nayanānīti vuccati.

Daṇḍena nīyate cedam, daṇḍam nayati vā puna;  
Daṇḍanīti itikhyāto, tilokā nati vattate.

Nānāsatthodhdhataṃ vakkhe, rājanīti samuccayaṃ;  
Sabbabījamidum satthaṃ, cāṇakya sārasaṅgahaṃ.

Mūlasuttaṃ pavakkhāmi, cāṇakyaena yathoditaṃ;  
Yassaṃ viññātamattena, mūlho bhavati paṇḍito.

Mittalābho suhadabhedo, viggaho sandhireva ca;  
Pañcatandrā tathāññasmā, ganthā kassiyalikhyate.

Lokanītimhā –

(1) Paṇḍitakaṇḍa. (2) Sujanakaṇḍa. (3) Bāladuḷḷjana kaṇḍa. (4) Mittakaṇḍa. (5) Itthikaṇḍa. (6) Rājakaṇḍa. (7) Pakiṇṇaka kaṇḍa-

Lokanīti –

Paṇḍito sujano kaṇḍo, dujjano mittaitthī ca;  
Rājapakiṇṇako cāti, sattakaṇḍe vibhūsinō.

Cakkindābhisirināyaṃ, sodhito kāsike sāke;  
Chanotyayaṃ dutiyāsaḷhe, kāḷasattama ādihe.

Lokanītiṃ pavakkhāmi, nānāsatthasamuddhaṭṭam;  
Māgadheneva saṅkhepaṃ, vanditvā ratanattayaṃ.

Nīti loke purisassa sāro,

Mātā pitā ācariyo mitto;  
Tasmā hi nītiṃ puriso vijaññā,  
Ñāṇimāhā hoti bahussuto.

Mahārahanīti –

(1) Paṇḍitakathā. (2) Sambhedakathā. (3) Mittakathā. (4) Nāyaka kathā. (5) Itthikathā

Mahāraha raḥṃsakya-muniṃ nīvaraṇā taṇhā;  
Muttam muttam sudassanam, vande bodhivaram varam.

Nītidha jantūnaṃ sāro, mittācariyā ca pitaro;  
Nītimā subuddhibyatto, sutavā atthadassimā.

Dhammanīti –

(1) Ācariyakathā (2) sippakathā (3) paññākathā (4) sutakathā (5) kathānakathā (6) dhanakathā  
(7) desakathā (8) nissayakathā (9) mittakathā (10) dujjanakathā (11) sujanakathā (12) balakathā (13)  
itthikathā (14) yuttakathā (15) dāsakathā (16) gharāvāsakathā (17) kātabbakathā (18) akātabbakathā  
(19) ñātabbakathā (20) alaṅkārikathā (21) rājadhammakathā (22) upasevakakathā (23)  
dukkhādimissakakathā (24) pakiṇṇakakathā

Cakkāticakkacakkindo, devātidevādevindo,  
Brahmāti brahmabrahmino, jino pūretu me bhāvaṃ.

Ciraṃ tiṭṭhatu lokamhi, dhammakam sabbapāṇinaṃ;  
Mahāmohatamaṃ jayaṃ, jotantaṃ jinasāsaṃ.

Vanditvā ratanaṃ seṭṭhaṃ, nissāya pubbake garu;  
Nītidhammaṃ pavakkhāmi, sabbaloka sukhāvahaṃ.

Ācariyo ca sippaṇca, paññāsutakathādhanam;  
Desaṇca nissayo mittam, dujjano sujano balaṃ.

Itthi putto ca dāso ca, gharāvāso katākato;  
Ñātabbo ca alaṅkāro, rājadhammā pasevako;  
Dukkhādimissako ceva, pakiṇṇakāti mātikā.

Rājanīti –

Sīhā ekaṃ bakā ekaṃ, sikkhe cattāri kukkuṭā;  
Pañca kākā rājā nāma, cha sunakkhā tīṇi gadrabhā.

1. Mahākammaṃ khuddakaṃ vā, yaṃ kammaṃ kātumicchati;  
Sabbārambhena kātabbaṃ, sīhā ekaṃ tadā bhava.
2. Indriyāni saṃyama, bakova paṇḍito bhava;  
Desaka lomapaṇṇāni, sabbakammāni sādhave.
3. Pubbaṭṭhānaṇca yuddhaṇca, saṃvibhāgaṇca bandhu hi;  
Thiyā akkamma bhuttaṇca, sikkhe cattāri kukkuṭo.
4. Guyhe methunaṃ pekkhitvā, bhojanaṃ ñātisaṅgaho;  
Vilokā pekkhanālasyaṃ, pañca sikkheyya vāyasā.

5. Anālassamṭisavantāso, suniddhā suppbodhanā;  
Daḷhabhatti ca sūrañca, cha etesvānato guṇo.
6. Khinnova vahate bhāraṃ, sītuṇhañca na cintayī;  
Santuṭṭho ca bhava niccaṃ, tīṇi sikkheyya gadrabhā.
7. Vīsati tāni guṇāni, careyya iha paṇḍito;  
Vijeyya ripū sabbepi, tejjasī so bhavissati.

(1) Paṇḍitakaṇḍa (2) sujanakaṇḍa (3) bāladujjanakaṇḍa (4) mittakaṇḍa (5) rājakaṇḍa (6) nāyakakaṇḍa (7) puttakaṇḍa (8) vejjācariyakaṇḍa (9) dāsakakaṇḍa (10) itthikaṇḍa (11) pakiṇṇakakaṇḍa

Kavidappaṇanītiṃyo, vācuggataṃ karoti ce;  
Bhuvanamaṃjhe eso hi, viññū paṇḍitajātiko.

### Kavidappaṇanīti

Namo tassa bhagavato arahato sammāsambuddhassa

## Ratanattayapaṇāma

1. Mahākavivaraṃ buddhaṃ, dhammañca tena sevitaṃ;  
Saṅghaṃ niraṅgaṇaṅcāpi, vandāmi sirasā daraṃ.
2. Karissāmi samāsenā, nānāsattha samuddhaṭaṃ;  
Hitāya kavinaṃ nītiṃ, kavidappaṇanāmakam.

## Paṇḍitakaṇḍa

3. Nīti sāro manussānaṃ, mitto ācariyopi ca;  
Mātā pitā ca nītimā, sutavā ganthakārako.
4. Alasassa kuto sippaṃ, asippassa kuto dhanam;  
Adhanassa kuto mittaṃ, amittassa kuto sukham;  
Asukhassa kuto puññaṃ, apuññassa kuto varam.
5. Sucintitacintī ceva, subhāsitaḥāsīpi ca;  
Sukatakammakārī ca, paṇḍito sādhumānuso.
6. Kaviheraññakā katvā, uttattaṃ satthakañcanaṃ;  
Bhūsanam gajjapajjādiṃ, karonti ca manoharam.
7. Bahum lahuñca gahaṇam, sammūpadhāraṇampi ca;  
Gahita asammussanam, etaṃ suviññulakkhaṇam.
8. Ajarāmaravva pañño, vijjamatthañca cintaye;  
Gahito iva kesesu, maccunā dhammamācare.
9. Sippasamaṃ dhanam natthi, sippam corā na gaṇhare;  
Idha loke sippam mittaṃ, paraloke sukhāvaham.
10. Bhuñjanattham kathanattham, mukham hotīti no vade;  
Yam vātam vā mukhāruḷham, vacanam paṇḍito naro.

11. Dummedhehi pasamsā ca, viññūhi garahā ca yā;  
Garahāva seyyo viññūhi, yañce bālappasamsanā.
12. Acintiyē sātṭhakathe, paṇḍito jinabhāsīte;  
Upadesaṃ sadā gaṇhe, garuṃ sammā upaṭṭhahaṃ.  
  
Tasmā sātṭhakathe dhīro, gambhīre jinabhāsīte;  
Upadesaṃ sadā gaṇhe, garuṃ sammā upaṭṭhahaṃ.
13. Garūpadesahīno hi, atthasāraṃ na vindati;  
Atthasāravihīno so, saddhammā parihāyati.
14. Garūpadesalābhī ca, atthasārasamāyuto;  
Saddhammaṃ paripāleno, saddhammasmā na hāyati.
15. Sabbadabbesu vijjeva, dabbamāhu anuttaraṃ;  
Ahārattā anagghattā, akkhayattā ca sabbadā.
16. Appakenapi medhāvī, pābhatena vicakkhaṇo;  
Samuṭṭhāpeti attānaṃ, aṇuṃ aggiṃva sandhammaṃ.
17. Paṇḍite ca guṇā sabbe, mūlḥe dosā hi kevalaṃ;  
Tasmā mūlhasahassesu, pañño eko visesiyate.
18. Bālā issanti dummedhā, guṇī niddosakārino;  
Garuko paṇḍito etasa-missaṃ tehyavidvā samo.
19. Manuññameva bhāseyya, nāmanuññaṃ kudācanaṃ;  
Manuññaṃ bhāsamānassa, garuṃ bhāraṃ udaddhari;  
Dhanañca naṃ alābhesi, tena cattamano ahu.
20. Vijjā dadāti vinayaṃ, vinayā yāti pattataṃ;  
Pattattā dhanam pappoti, dhanā dhammaṃ tato sukhaṃ.
21. Ye vuḍḍhamapacayanti, narā dhammassa kovidā;  
Diṭṭheva dhamme pāsamsā, samparāye ca suggaṭṭiṃ.
22. Mātariva paradāresu, paradabbesu ledduṃva;  
Attanīva sabbabhūtesu, yo passati so paṇḍito.
23. Āsīsetheva puriso, na nibbindeyya paṇḍito;  
Anavajjesu kammesu, pasamsāsitesu sādhubhi.  
  
Āsīsetheva puriso, na nibbindeyya paṇḍito;  
Passāmi vohaṃ attānaṃ, yathā icchiṃ tathā ahu.
24. Vāyametheva puriso, na nibbindeyya paṇḍito;  
Puññakriyavatthūsu, pasamsāsitesu viññubhi.
25. Loke ussāhavantānaṃ, janānaṃ kimasādhiyaṃ;  
Sāgarepi mahāsetuṃ, kapiyūthehi bandhati.
26. Kiṃ kulena visālena, guṇahīno tu yo naro;  
Akulinopi satthañño, devatāhipi pujjate.

27. Ukkaṭṭhe sūramicchanti, mantīsu akutūhalaṃ;  
Piyañca annapānamhi, atthe jāte ca paṇḍitaṃ.
28. Rūpayobbannasampannā, visālakulasambhavā;  
Vijjāhīnā na sobhante, niggandhā iva kiṃ sukā.
29. Vutyam visadañāṇassa, ñāto attho tarassana;  
Sūrappabhāya ādāso, chāyam disse na mākare.
30. Aveyyākaraṇo tvandho, badhiro kosavajjito;  
Sāhiccarahito paṅgu, mūgo takkavivajjito.
31. Dhīro ca vividhānaññū, paresam vivarānugū;  
Sabbāmitte vasīkatvā, kosiyova sukhī siyā.
32. Mahātejopi tejoyam, mattikam na mudum kare;  
Āpo āpesi mudukam, sādhuvacāva kakkhaḷam.
33. Kottho puttana jātena, yo na vidū na dhammiko;  
Kāṇena cakkhunā kiṃ vā, cakkhu pīleva kevalam.
34. Mudunāva ripum jeti, mudunā jeti dāruṇam;  
No na siddham mudu kiñci, tato ca mudunā jaye.
35. Sajāto yena jātena, yāti vaṃso samunnatiṃ;  
Parivattinisamsāre, mato ko vā na jāyate.
36. Dāne tapasi sūre ca, yassa na patthito yaso;  
Vijjāya matthalābhe ca, kevalam adhikovaso.
37. Varo eko guṇī putto, na ca mūlhasatānyapi;  
Eko cando tamo hanati, na ca tārāgaṇo tathā.
38. Puññatitthakato yena, tapo kvāpi sudukkaro;  
Tassa putto bhavē vasso, samiddho dhammiko suddhe.
39. Lālaye pañcavassāni, dasavassāni tālaye;  
Pattetu soḷase vasse, puttam mittamva ācare.
40. Lālāne bahavo dosā, tālāne bahavo guṇā;  
Tasmā puttañca sissañca, tālaye na tu lālaye.
41. Māgadhā pākatā ceva, sakkatavohāropi ca;  
Etesu kovido pañño, dhīro pāḷiṃ visodhaye.
42. Sakkatam pākatañceva-pabhamso ca pisācīkī;  
Māgadhī sorasenīva, cha bhāsā parikittitā.
43. Candanam sītalam loke, candikā sītālā tato;  
Candana candikātopi, vākyam sādhu subhāsitaṃ.
44. Pattakāloditam appam, vākyam subhāsitaṃ bhavē;  
Khuditassa kadannampi, bhuttaṃ sādurasam siyā.
45. Satthakāpi bahuvācā, nādarā bahubhāṇino;  
Sopakāramudāsīnā, nanu diṭṭham nadījalam.

46. Pāsānachattaṃ garukaṃ, tato devānācikkhanā;  
Tato vuḍḍhānamovādo, tato buddhassa sāsanaṃ.
47. Tūlaṃ sallahukaṃ loke, tato capalajātiko;  
Tatonosāvako tato, yati dhammapamādako.
48. Paṇḍitassa pasamsāya, daṇḍo bālena dīyate;  
Paṇḍito paṇḍiteneva, vaṇṇitova suvaṇṇito.
49. Satesu jāyate sūro, sahasseu ca paṇḍito;  
Vuttā satahasseu, dātā bhavati vā na vā.
50. Vidvattañca rājattañca, neva tulyaṃ kadācipi;  
Sadese pūjito rājā, vidvā sabbattha pūjito.
51. Sataṃ dīghāyukaṃ sabba-sattānaṃ sukhakāraṇaṃ;  
Asataṃ pana sabbesaṃ, dukkhahetu na saṃsayo.
52. Paṇḍite sujane sante, sabbepi sujanā janā;  
Jātekasmiṃ sārāgandhe, sabbe gandhamayā dumā.
53. Attāva yadi vinīto, nijassitā mahājanā;  
Vinītaṃ yanti sabbepi, ko taṃ nāseyya paṇḍito.
54. Sarīrassa guṇānañca, dūramaccantamantaram;  
Sarīraṃ khaṇavidhamsī, kappantaṭṭhāyino guṇā.
55. Ambuṃ pivanti no najjo, rukkho khādanti no phalaṃ;  
Megho kvacipi no sassaṃ, paratthāya sataṃ dhanam.
56. Saccam punapi saccanti, bhujamukkhippa muccate;  
Sakattho natthi nattheva, parassattha makubbato.
57. Sataṃ pharusavācāhi, na yāti vikatiṃ mano;  
Tiṇukkāhi na sakkāva, tāpetuṃ sāgare jalaṃ.
58. Selo yathā ekaghano, vātena na samīrati;  
Evaṃ nindāpasamsāsu, na samiñjanti paṇḍitā.
59. Dhammatthakāmamokkhānaṃ, yassekopi na vijjati;  
Ajalathanasseva, tassa jāti niratthakā.
60. Na kammamapi cintevā, caje uyyogamattano;  
Anuyyogena telāni, tilehi na sakkā laddhuṃ.
61. Yathā hyekena cakkena, na rathassa pati bhava;  
Evaṃ purisakārena, vinā kammaṃ na sijjhati.
62. Uyyāmena hi sijjhanti, kāriyāni na manorathaṃ;  
Na hi suttaṃ sīhassa, pavisanti migāmukhe.
63. Mātāpitu katābhyāso, guṇitameti bālako;  
Na gabbhajātimmattena, putto bhavati paṇḍito.
64. Mātā sattu pitā verī, yena bālo na pāṭhito;  
Na sobhate sabhāmajjhe, haṃsamajjhe bako yathā.

65. Kāco kañcanasamsaggo, dhatte marakatim jutim;  
Tathā sabbhisannidhānā, mūlho yāti pavīnatam.
66. Tasmā akkharakosallam, sammādeyya hitatthiko;  
Upaṭṭhaham garum sammā, uṭṭhānādīhi pañcahi.
67. Uṭṭhānā upaṭṭhānā, ca, sussūsā pāricarīyā;  
Sakkaccam sippuggahaṇā, garum ārādhaye budho.
68. Kābyasattha vinodena, kālo gacchati dhīmatam;  
Byasanena ca mūlhānam, nidāya kalahena vā.
69. Cha dosā puriseneha, hātabbā bhūtimicchata;  
Niddātandī bhayaṃ kodho, ālasyam dīghasuttatā.
- Niddāsīlī sabhāsīlī, anuṭṭhātā ca yo naro;  
Alaso kodhapaññaṇo, tam parābhavato mukham.
70. Nigguṇesupi sattesu, dayā kubbanti sādhave;  
Na hi saṃharate jutim, cando caṇḍālavesme.
71. Yatra vidvajjano natthi, sīlāghyo tatra appadhipi;  
Niratthapādame dese, eraṇḍopi dumāyate.
72. Thānabhatthā na sobhante, dantā kesā nakhā narā;  
Itiviññāya matimā, saṭṭhānam na pariccaje.
73. Paropadese paṇḍiccam, sabbesam sukarañhi kho;  
Dhamme sayamanuṭṭhānam, kassacisumahattano.
74. Appamādam pasamsanti, puññakiriyāsu paṇḍitā;  
Appamatto ubho atthe, adhiggaṇhāti paṇḍito.
75. Nidhīnamva pavattāram, yam passe vajjadassinam;  
Niggaṃhavādim medhāvim, tādisam paṇḍitam bhaje;  
Tādisam bhajamānassa, seyyo hoti na pāpiyo.
76. Muhuttamapi ce viññū, paṇḍitam payirupāsati;  
Khippam dhammam vijānāti, jivhā sūparasam yathā.
77. Dullabho purisājañño, na so sabbattha jāyati;  
Yattha so jāyatī dhīro, tam kulam sukha medhati.
78. Tagarañca palāsena, yo naro upanayhati;  
Pattāpi surati vāyanti, evam dhīrūpasevanā.
79. Nipuṇe sutameseyya, vicinitvā sutatthiko;  
Bhattam ukkhaliyam pakkam, bhājanepi tathā bhava.
80. Appakam nātimaññeyya, citte sutam nidhāpaye;  
Vammikodakabindūva, cirena paripūrati.
81. Gaccham kipilliko yāti, yojanānam satānipi;  
Agaccham venayyoopi, padamekam na gacchati.

82. Sele sele na maṇikaṃ, gaje gaje na muttikaṃ;  
Vane vane na candanaṃ, ṭhāne ṭhāne na paṇḍito.
83. Paṇḍito sutasampanno, yattha atthīti ce suto;  
Mahussāhena taṃ ṭhānaṃ, gantabbaṃva sutesinā.
84. Potthakesu ca yaṃ sippaṃ, parahatthesu yaṃ dhanaṃ;  
Yathāhicce samuppanne, na taṃ sippaṃ na taṃ dhanaṃ.
85. Uppalena jalaṃ jaññā, kiriyāya kulaṃ naro;  
Byattippamāṇa vācāya, jaññā tiṇena medaniṃ.
- Jalappamāṇaṃ kumudamālaṃ,  
Kulappamāṇaṃ vinayopamāṇaṃ;  
Byattippamāṇaṃ kathitavākyāṃ,  
Pathaviyā pamāṇaṃ tiṇamilātaṃ –
86. Appassuto sutāṃ appaṃ, bahuṃ maññati mānavā;  
Sindhudakamapassanto, kūpe toyaṃva maṇḍuko.
87. Paṭhame sippaṃ gaṇheyya, eseyya dutiye dhanaṃ;  
Careyya tatiye dhammaṃ, esā janāna dhammatā.
88. Sussūsā suttavaddhanī, sutāṃ paññāya vaddhanaṃ;  
Paññāya atthaṃ jānāti, attho ñāto sukhāvaho.
89. Natthi vijjāsamaṃ mittaṃ, na ca byādhisamo ripu;  
Na ca atthasamaṃ pemaṃ, na ca kammasamaṃ balaṃ.
90. Vinā satthaṃ na gaccheyya, sūro saṅgāmahūmiyaṃ;  
Paṇḍitvaddhagū vāṇijo, videsagamano tathā.
91. Dhananāsaṃ manotāpaṃ, ghare duccharitāni ca;  
Vañcanañca avamānaṃ, paṇḍito na pakāsaye.
92. Anavhāyaṃ gamayanto, apucchā bahubhāsako;  
Attaguṇaṃ pakāsanto, tividho hīnapuggalo.
93. Haṃso majjhe na kākānaṃ, sīho gunnaṃ na sobhate;  
Gadrabhamajjhe turaṅgo, bālamajjheva paṇḍito.
94. Pattānurūpakaṃ vākyaṃ, sabhāvānurūpaṃ piyaṃ;  
Attānurūpakaṃ kodhaṃ, yo jānāti sa paṇḍito.
95. Apparūpo bahuṃbhāso, appapañño pakāsako;  
Appapūro ghaṭo khobhe, appakhīrā gāvī cale.
96. Na titti rājā dhanamhi, paṇḍitopi subhāsate;  
Cakkhupi piyadassane, na titti sāgaro jale.
97. Hīnaputto rājamacco, bālaputto ca paṇḍito;  
Adhanassa dhanambahu, purisānaṃ na maññatha.
98. Yo sisso sippalobhena, bahuṃ gaṇhāti taṃ sippaṃ;  
Mūgova supīnaṃ passaṃ, kathetumpi na ussahe.



99. Na bhijjetuṃ kumbhakāro, sobhetuṃ kumbha ghaṭati;  
Na khiṭituṃ apāyesu, sissānaṃ vuḍḍhikāraṇā.
100. Adhanassa rasaṃkhādo, abalassa hatto naro;  
Appaññaṃ vākyakaro, ummattaka samāhiko.
101. Ekenāpi surukkheṇa, pupphiteṇa sugandhinā;  
Vāsitaṃ kānaṃ sabbāṃ, suputtēna kulāṃ yathā.
102. Iṇakattā pitā sattu, mātā ca byabhicārinī;  
Bhariyā rūpavatī sattu, putto sattu apaṇḍito.
103. Guṇadosamasatthaññū, jano vibhajate kathaṃ;  
Adhikāro kimandhassa, rūpabhedopaladdhiyaṃ.
104. Sabbattha satthatoyeva, guṇadosavicecanaṃ;  
Yaṃ karoti vināsathaṃ, sāhasaṃ kimatodhikaṃ.
105. Nihīyati puriso nihīnasevī,  
Na ca hāyetha kadāci tulyasevī;  
Seṭṭhamupanamaṃ udeti khippaṃ,  
Tasmā attano uttariṃ bhaje.
106. Paccuppannaṅca yo dhammaṃ, tattha tattha vipassati;  
Asaṃhīraṃ asaṃkappaṃ, taṃ vidvā manubrūhaye.
107. Chandā dosā bhayā mohā, yo dhammaṃ nātivattati;  
Āpūrati tassa yaso, sukkapakkheva candimā.
108. Paṇḍito silasampanno, saṅho ca paṭibhānavā;  
Nivātavutti athaddho, tādiso labhate yasaṃ.
109. Dullabhaṃ pākatiṃ vākyāṃ, dullabho khemakaro suto;  
Dullabhā sadisī jāyā, dullabho sajano piyo.
110. Atthaṃ mahantamāpajja, vijjaṃ sampattimeva ca;  
Careyyāmanathaddho yo, paṇḍito so pavuccati.
111. Sutasannicayā dhīrā, tuṅhībhūtā apucchitā;  
Puṇṇāsubhāsitenāpi, ghaṇṭādī ghaṭṭitā yathā.
112. Aputṭho paṇḍito bherī, pajjunno hoti pucchito;  
Bālo putṭho aputṭho ca, bahuṃ vikatthate sadā.
113. Parūpavāde badhiro, paravajje alocano;  
Paṅgulo aññanārīsu, dussatakke acetano.
- Cakkhumāssa yathā andho, sotavā badhiro yathā;  
Paññāvāssa yathāmūgo, balavā dubbaloriva;  
Atha atthe samuppanne, sayetha matasāyitaṃ.
114. Pāpamitte vivajjetvā, bhajeyyuttamapuggalaṃ;  
Ovāde cassa tiṭṭheyya, patthento acalaṃ sukhaṃ.
115. Atisītaṃ atiuṇhaṃ, atisāyamidaṃ ahu;  
Iti vissatṭhakammante, athā accenti māṇave.

116. Yo ca sītañca uṇhañca, tiṇābhiyyo na maññati;  
Karaṃ purisakiccāni, so sukhaṃ na viḥayati.
117. Yasmiṃdese na sammāno, na piyo na ca bandhavo;  
Na ca vijjāgamo koci, na tattha divasaṃ vase.
118. Dhanavā sutavā rājā, nadī vajjo ime pañca;  
Yattha dese na vijjanti, na tattha divasaṃ vase.
119. Nabhassa bhūsaṃ cando, nārīnaṃ bhūsaṃ pati;  
Chamāya bhūsaṃ rājā, vijjā sabbassa bhūsaṃ.
120. Sukhatthiko sace vijjaṃ, vijjatthiko caje sukhaṃ;  
Sukhatthino kuto vijjā, kuto vijjatthino sukhaṃ.
121. Khaṇena kaṇena ceva, vijjāmatthañca sādhave;  
Khaṇacāge kuto vijjā, kaṇacāge kato dhaṇaṃ.
122. Ācariyā pādamādatte, pādaṃ sisso sajānanā;  
Pādaṃ sabrahmacārīhi, pādaṃ kālakkamena ca.
123. Dhammo jaye no adhammo, saccaṃ jayati nāsaccaṃ;  
Khamā jayati no kodho, devo jayati nāsūro.
124. Hatthassa bhūsaṃ dānaṃ, saccaṃ kaṇṭhassa bhūsaṃ;  
Sotassa bhūsaṃ satthaṃ, bhūsane kiṃ payojaṇaṃ.
125. Videsetu dhaṇaṃ vijjā, byasanesu dhaṇaṃ mati;  
Paraloke dhaṇaṃ dhammo, sīlaṃ sabbattha ve dhaṇaṃ.
126. Padose dīpako cando, pabhāte dīpako ravi;  
Tiloke dīpako dhammo, suputto kuladīpako.
127. Vidvā eva vijjānāti, vidvajjanaparissamaṃ;  
Na hi vañjhā vijjānāti, guruṃ pasavavedanaṃ.
128. Yassa natthi sayamaṃ paññā, satthaṃ tassa karoti kiṃ;  
Locanehi viḥinassa, dappaṇo kiṃ karissati.
129. Kiṃ karissanti vattāro, sotamaṃ yattha na vijjate;  
Naggakapaṇake dese, rajako kiṃ karissati.
130. Mūlhasidhassāpadesena, kunārībharaneṇa ca;  
Khalasattūhi saṃyogā, paṇḍitopyāvasīdati.
131. Natthi attasamaṃ pemaṃ, natthi dhaññasamaṃ dhaṇaṃ;  
Natthi paññāsamaṃ ābhā, vuṭṭhi ve paramā sarā.
132. Bhujāgamaṃ pāvakañca khattiyañca yasassinaṃ;  
Bhikkhuñca sīlasampannaṃ, sammadeva samācare.
133. Tasmā hi paṇḍito poso, sampassaṃ atthamattano;  
Buddhe dhamme ca saṅghe ca, dhīro saddhaṃ nivesaye.
134. Guṇo seṭṭhaṅgataṃ yāti, na ucce sayane vase;  
Pāsādasikhare vāso, kāko kiṃ garuḷo siyā.

135. Anāgataṃ bhayaṃ disvā, dūrato parivajjaye;  
Āgatañca bhayaṃ disvā, abhīto hoti paṇḍito.
136. Asajjāya malāmantā, anuṭṭhānamalā gharā;  
Malaṃ vaṇṇassa kosajjaṃ, pamādo rakkhato malaṃ.
137. Anupubbena medhāvī, thokaṃ thokaṃ khaṇe khaṇe;  
Kammāro rajatasseva, niddhame malamattano.
138. Yañhi kayirā tañhi vade, yaṃ na kayirā na taṃ vade;  
Akarontaṃ bhāsamānaṃ, pariṇānanti paṇḍitā.
139. Visamaṃ sabhayaṃ ativāto, paṭicchannaṃ devanissitaṃ;  
Pantho ca saṅgāmo titthaṃ, aṭṭhete parivajjiyā.
140. Rattoduṭṭho ca muḷho ca, mānī luddho tathālaso;  
Ekacintī ca bālo ca, ete atthavināsakā.
141. Ratto duṭṭho ca mūḷho ca, bhīru āmisagaruko;  
Itthī soṇḍo paṇḍako ca, navamo dārakopi ca.
142. Navate puggalā loke, ittarā calitā calā;  
Etehi mantitaṃ guyhaṃ, khippaṃ bhavati pākaṭaṃ.
143. Yo niruttiṃ na sikkheyya, sikkhanto piṭakattayaṃ;  
Pade pade vikaṅkheyya, vane andhagajo yathā.
144. Suttaṃ dhātu gaṇoṇvādi, nāmalingānusāsanaṃ;  
Yassa tiṭṭhati jivhagge, sabyākaraṇakesarī.
145. Saddatthalakkhaṇe bhedī, yo yo nicchitalakkhaṇe;  
So so nātumakicchena, pahoti piṭakattaye.
146. Yo saddasatthakusalo kusalo nighaṇḍu,  
Chando alaṅkatisu niccakatābhīyogo;  
So yaṃ kavittavikalopi kavīsu saṅkhyāṃ,  
Moggayha vindati hi kitti' mamandarūpaṃ.
147. Sukkhopi candanataru na jahāti gandhaṃ,  
Nāgo gato naramukhe na jahāti līḷaṃ;  
Yantagato madhurasāṃ na jahāti ucchu,  
Dukkhopi paṇḍitajano na jahāti dhammaṃ.
148. Dhanadhaññappayogesū, tathā vijjāgesu ca;  
Āhāre byavahāre ca, cattalajjo sadā bhavē.
149. Sābhāvīkī ca paṭibhā, sutañca bahunimmalaṃ;  
Amando cābhīyogoyaṃ, hetu hotiha bandhane.
150. Jaheyya pāpake mitte, bhajeyya paṇḍite jane;  
Sādhavo abhiseveyya, suṇeyya dhammamuttamaṃ.
151. Kalyāṇakārī kalyāṇaṃ, pāpakārī ca pāpakaṃ;  
Yādīsaṃ vappate bījaṃ, tādīsaṃ harate phalaṃ.

152. Chando nidānaṃ gāthānaṃ, akkharā tāsāṃ viyañjanaṃ;  
Nāmasanissitā gāthā, kavi gāthānamāsayo.
153. Tasmā hi paṇḍito poso, sampassaṃ hitamattano;  
Paññavantambhipūjeyya, cetiyaṃ viya sādaro.
154. Dhīraṃ passe suṇe dhīraṃ, dhīrena sahasaṃvase;  
Dhīrenallāpasallāpaṃ, taṃ kare tañca rocaye.
155. Nayaṃ nayati medhāvī, adhurāyaṃ na yuñjati;  
Sunayo seyyaso hoti, sammā vutto na kuppati;  
Vinayaṃ so pajānāti, sādhu tena samāgamo.
156. Sace labhetha nipakaṃ saḥāyaṃ,  
Saddhiṃ caraṃ sādhuviḥārī dhīraṃ;  
Abhibhuyya sabbāni parissayāni,  
Careyya tenattamano satimā.
157. No ce labhetha nipakaṃ saḥāyaṃ,  
Saddhiṃ caraṃ sādhuviḥārī dhīraṃ;  
Rājāva raṭṭhaṃ vijitaṃ pahāya,  
Eko care mātaṅgaraññeva nāgo.
158. Sokaṭṭhānasahassāni, bhayaṭṭhānasatāni ca;  
Divase divase mūḷha-māvisanti na paṇḍitaṃ.
159. Jalabindunipātena, cirena pūrate ghaṭo;  
Tathā sakalavijjānaṃ, dhammassa ca dhanassa ca.
160. Paṇḍitā dukkhaṃ patvāna, na bhavanti visādino;  
Pavissa rāhuno mukhaṃ, kiṃ no deti puna sasī.
161. Javena assaṃ jānanti, vāhena ca balibaddhaṃ;  
Duhena dhenuṃ jānanti, bhāsamānena paṇḍitaṃ.
162. Manasā cintitaṃ kammaṃ, vacasā na pakāsaye;  
Aññalakkhitakāriyassa, yato siddhi na jāyate.
163. Anabhyāse visaṃ vijjā, ajiṇṇe bhojanaṃ visaṃ;  
Visaṃ sabhā daliddassa, vuddhassa taruṇī visaṃ.
- Cattāro pañca ālope, ābhutvā udakaṃ pive;  
Alaṃ phāsuvihārāya, pahitattassa bhikkhuno.
164. Yassa eso pasutopi, guṇavā pujjate naro;  
Dhanu vaṃsavissuddhopi, nigguṇo kiṃ karissati.
165. Issī dayī asaṃtuṭṭho, kodhano niccasaṅkīto;  
Parabhāgyopajīvī ca, chaḷete dukkhabhāgino.
166. Sumahantāni sattānī, dhārayantā bahussutā;  
Chettāro saṃsayānañca, kaliṃ yanti lobhamohitā.
167. Nadītīre khate kūpe, araṇītālavaṇṭake;  
Na vade dakādī natthīti, mukhe ca vacanaṃ tathā.

168. Sabbam suṇāti sotena, sabbam passati cakkhunā;  
Na ca diṭṭham sutam dhīro, sabbam uccitu marahati.
169. Bālādapi gahetabbam, yuttamuttamanīsibhi;  
Ravissāvisaye kiṃ na, padīpassa pakāsanam.
170. Tasmā hi paṇḍito poso, sampassam attamattano;  
Yoniso vicine dhammam, evam tattha visujjhati.
171. Kiṃ tena jātujātena, mātuyobbannahārinā;  
Ārohati na yo saka-vaṃsaagge dhajo yathā.
172. Sammā upaparikkhitvā, akkharesu padesu ca;  
Coraghāto siyā sisso, guru coraṭṭakārako.
173. Adantadamanam sattham, khalānam kurute madam;  
Cakkhusaṅkhārakam tejam, ulūkānammivandhakam.
174. Narattam dullabham loke, vijjā tatra sudullabhā;  
Kavittam dullabham tatra, satti tatra sudullabhā.
175. Yebhuyena hi sattānam, vināse paccupaṭṭhite;  
Anayo nayarūpena, buddhimāgamma tiṭṭhati.

## Sujanakaṇḍa

176. Saddhāsīlādiddhammehi, sappanno seṭṭhamānuso;  
Vutto buddhādisantehi, sādhusappuriso iti.
- Saddādhanam sīladhanam, hirīottappiyam dhanam;  
Sutadhanañca cāgo ca, paññā ve sattamam dhanam.
- Yassa ete dhanā atthi, itthiyā purisassa vā;  
Adaliddoti tam āhu, amogham tassa jīvitam.
- Tasmā saddhañca sīlañca, pasādam dhammadassanam;  
Anuyuñjetha medhāvī, saram buddhānasāsanam.
177. Sabbhireva samāsetha, sabbhi kubbetha santhavam;  
Satham saddhammamaññāya, seyyo hoti na pāpiyo.
178. Caja dujjanasamsaggaṃ, bhaja sādhusamāgamam;  
Kara puññamahorattam, sara niccamaniccatam.
179. Yo ve kataññū katavedī dhīro,  
Kalyānamitto dalhabhatti ca hoti;  
Dukkhitassa sakkacca karoti kiccam,  
Tathāvidham sappurisaṃ vadanti.
180. Mātāpettibharam jantum, kule jeṭṭhāpacāyinaṃ;  
Saṅham sakhilasambhāsam, pesuṇeyyappahāyinaṃ.
181. Maccheravinaye yuttam, saccam kodhābhibhum naram;  
Tam ve devā tāvatimsā, āhu ‘‘sappuriso’’iti.

182. Kulajāto kulaputto, kulavaṃsasurakkhato;  
Attaṇā dukkhappattopi, hīnakammaṃ na kāraye.
183. Udeyya bhāṇu pacchime, nameyya meruaddipi;  
Sītaḷaṃ yadi naraggi, pabbatagge ca uppalaṃ;  
Vikase na viparītā, sādhuvacā kudācanaṃ.
184. Sukhā rukkhassa chāyāva, tato ñātimātāpitu;  
Tato ācerassa rañño, tato buddhassanekadhā.
185. Bhamarā pupphamicchanti, guṇamicchanti sajjanā;  
Makkhikā pūtimicchanti, dosamicchanti dujjanā.
186. Mātuhīno dubbhāso hi, pituhīno dukkiriyo;  
Ubho mātupituhīnā, dubbhāsā ca dukkiriya.
187. Mātuseṭṭho subhāso hi, pituseṭṭho sukiriyo;  
Ubhomātu pituseṭṭhā, subhāsā ca sukiriya.
188. Sunakho sunakhaṃ disvā, dantaṃ dasseti hiṃsitaṃ;  
Dujjano sujanaṃ disvā, rosayaṃ hiṃsamicchati.
189. Na ca vegena kiccāni, kattabbāni kudācanaṃ;  
Sahasā kāritaṃ kammaṃ, bālo pacchānutappati.
190. Kodhaṃ vadhitvā na kadāci socati,  
Makkhappahānaṃ isayo vaṇṇayanti;  
Sabbesaṃ vuttaṃ pharuṣaṃ khametha,  
Etaṃ khantiṃ uttamamāhu santo.
191. Dukkho nivāso sambādhe, ṭhāne asucīsānkate;  
Tato arimhi appiye, tatopi akataññunā.
192. Ovadeyyā'nusāseyya, asabbhā ca nivāraye;  
Satañhi so piyo hoti, asataṃ hotiappiyo.
193. Uttamattanivātena, kakkhaḷaṃ mudunā jaye;  
Nīcaṃ appakadānena, vāyāmena samaṃ jaye.
194. Na visaṃ visamiccāha, dhaṇaṃ saṅghassa uccate;  
Visaṃ ekaṃva hanati, hanati saṅghassa sabbhaṃ.
195. Dhanamappampi sādhuṇaṃ, kūpe vāriva nissayo;  
Bahumaṃpi asādhuṇaṃ, na ca vāriva aṇṇave.
196. Apattheyyaṃ na pattheyya, acinteyyaṃ na cintaye;  
Dhamameva sucinteyya, kālaṃ moghaṃ na icchaye.
197. Acintitampi bhavati, cintitampi vinassati;  
Na hi cintāmayā bhogā, itthiyā purisassa vā.
198. Asantassa piyo hoti, sante na kurute piyaṃ;  
Asataṃ dhammaṃ roceti, taṃ parābhavato mukhaṃ.
199. Guṇā kubbanti dūtattaṃ, dūrepi vasataṃ satam;  
Ketaṃ gandhaṃ ghāyitvā, gacchanti bhamarā sayam.

200. Pabbajātikataṃ kammaṃ, taṃ kammamīti kathyate;  
Tasmā purisākārenaṃ, yataṃ kare atandito.
201. Mattikapiṇḍato kattā, kurute yaṃ yadicchati;  
Evamattakataṃ kammaṃ, māṇavo paṭipajjate.
202. Uṭṭhāyoṭṭhāya bodheyyaṃ, mahabbhaya mupaṭṭhitam;  
Maraṇabyādhisokānaṃ, kimajja nipatissati.
203. Pāṇā yathāttanobhiṭṭhā, bhūtānamapi te tathā;  
Attopamena bhūtesu, dayaṃ kubbanti sādhave.
- Sabbe tasanti daṇḍassa, sabbe bhāyanti maccuno;  
Attānaṃ upamaṃ katvā, na haneyya na ghātaye.
204. Bālo vā yadi vā vuddho, yuvā vā gehamāgato;  
Tassa pūjā vidhātābbā, sabbassābhyāgato garu.
205. Ākiṇṇopi asantehi, asaṃsaṭṭhova bhaddako;  
Bahunā sannajātena, gacchena ubbattenidha.

## Bālājujanakaṇḍa

206. Kāyaduccaritādīhi, sampanno pāpamānujo;  
Bāloti lokanāthena, kittito dhammasāminā.
207. Ducintitacintī ceva, dubbhāsitaḥāsīpi ca;  
Dukkaṭakammakārī ca, pāpako bālamānujo.
208. Atipiyo na kātabbo, khalo kotuhalaṃ karo;  
Sirasā vahaṃnāpi, aḍḍhapūro ghaṭo yathā.
209. Sappo duṭṭho khalo duṭṭho, sappā duṭṭhataro khalo;  
Mantosadhehi taṃ sappam, khalaṃ kenupasammati.
210. Yo bālo maññati bālyam, paṇḍito vāpi tenaso;  
Bālo ca paṇḍitamānī, sa ve bāloti vuccati.
211. Madhūva maññati bālo, yāva pāpam na paccati;  
Yadā ca paccati pāpam, atha dukkham nigacchati.
212. Na sādhu balavā bālo, sāhasā vindate dhanam;  
Kāyassa bhedaḍḍappañño, nirayam sopapajjati.
213. Ghare duṭṭho mūsiko ca, vane duṭṭho ca vānaro;  
Sakuṇe ca duṭṭho kāko, nareduṭṭho ca brāhmaṇo.
214. Dīghā jāgarato ratti, dīgham santassa yojanam;  
Dīgho bālānasamsāro, saddhammam avijānataṃ.
215. Tilamattaṃ paresaṇca, appadosaṇca passati;  
Nāḷikerampi sadosam, khalajāto na passati.
216. Nattadosam pare jaññā, jaññā dosam parassatu;  
Guyho kummāva aṅgāni, paradosaṇca lakkhaye.

217. Luddhaṃ atthena gaṇheyya, thaddhaṃ añjalikammunā;  
Chandānuvattiyā mūlhaṃ, yathābhūtena paṇḍitaṃ.
218. Yathā udumbarapakkā, bahi rattakā eva ca;  
Antokimila sampuṇṇā, evaṃ dujjanahadayā.
219. Yāvajīvampi ce bālo, paṇḍitaṃ payirupāsati;  
Na so dhammaṃ vijānāti, dabbī sūparasam yathā.
220. Caraṇice nādhigaccheyya, seyyaṃ sadisamattano;  
Ekacariyaṃ daḷhaṃ kayirā, natthi bāle sahāyatā.
221. Ajātamataṃ mūlhaṃ, varamādayo na cantimo;  
Sakiṃ dukkhakarāvāda-yontimo tu pade pade.
222. Dujjanena samaṃ veraṃ, sakhyañcāpi na kāraye;  
Uṇho dahati caṅgāro, sīto kaṇhāyate karaṃ.
223. Dujjano piyavādī ca, netam vassāsakāraṇam;  
Madhu tiṭṭhati jivhagge, hadaye halāhalaṃ visaṃ.
224. Dujjano parihātabbo, vijjāyālaṅkatopi ca;  
Maṇinā bhūsito sappo, kimeso na bhayaṅkaro.
225. Nālikerasamākārā, dissantepi hi sajjanā;  
Aññe badarikākārā, bahireva manoharā.  
Yathāpi pana sapakkā, bahi kaṇṭakameva ca;  
Anto amatasampuṇṇā, evaṃ sujanahadayā.
- Yathā udumbarapakkā, bahi rattakameva ca;  
Evaṃ kimilasampuṇṇā, evaṃ dujjanahadayā.
226. Dosabhīto anārambho, taṃ kā purisalakkhaṇam;  
Kohyajijñabhayā nanu, bhojanaṃ parihīyate.
227. Payopānaṃ bhujāṅgānaṃ, kevalaṃ visavaḍḍhanaṃ;  
Upadeso hi mūlhaṇaṃ, pakopāya na santiyā.
228. Na ṭhātabbaṃ na gantabbaṃ, dujjanena samaṃ kvaci;  
Dujjano hi dukkhaṃ deti, na so sukhaṃ kadācipi.
229. Abaddhā tattha bajjhanti, yattha bālā pabhāsare;  
Baddhāpi tattha muccanti, yattha dhīrā pabhāsare.
230. Parittaṃ dārumāruyha, yathā sīde mahaṇṇave;  
Evaṃ kusitamāgamma, sādhu jīvipi sīdati;  
Tasmā taṃ parivajjeyya, kusītaṃ hīnavīriyaṃ.
231. Saddhāsīlādisampanno, sumitto sādhumānuso;  
Tādisaṃ mittaṃ seveyya, vuddhikāmo vicakkhaṇo.
232. Dānādiguṇasetṭhehi, miditabbo mitto hi kho;  
Tādisaṃ avaṅkeneva, manasā bhajeyya sudhī.
233. Hitakkaro paro bandhu, bandhupi ahito paro;  
Ahito dehajo byādhi, hitaṃ araṇṇāmosadhaṃ.



234. Parokkhe kiccahantāraṃ, paccakkhe piyavādiṇaṃ;  
Vajjaye tādisaṃ mittaṃ, visakumbhaṃ payomukhaṃ.
135. Dhanahīne caje mitto, puttadārā sahodarā;  
Dhanavanteva sevanti, dhanaṃ loke mahāsakhā.
236. Jāniyā pesane bhacce, bandhave byasanāgame;  
Mittaṅca āpadikāle, bhariyaṅca vibhavakkhaye.
237. Ussave byasane ceva, dubbhikkhe sattuviggahe;  
Rājadvāre susāne ca, yo tiṭṭhati so bandhavā.
238. Na 2 vissase amittassa, mittaṅcāpi na vissase;  
Kadāci kupite mitte, sabbadosaṃ pakāsati.
239. Mātā mittaṃ pitā ceti, sabhāvā taṃ tayaṃ hitaṃ;  
Kammakaraṇato caññe, bhavanti hitabuddhiyo.
240. Āpadāsu mittaṃ jaññā, yuddhe sūraṃ iṇe sucim;  
Bhariyaṃ khīṇesu vittesu, byasanesu ca bandhavaṃ.
241. Sakiṃ duṭṭhaṅca yo mittaṃ, puna sandhātumicchati;  
Sa maccumupagaṇhāti, gabbhaṃ assatarī yathā.
242. Iṇaseso aggiseso, rogaseso tatheva ca;  
Punappunaṃ vivaḍḍhanti, tasmā sesaṃ na kāraye.
243. Padumaṃva mukhaṃ yassa, vācā candanasītālā;  
Tādisaṃ no paseveyya, hadaye tu halāhalaṃ.
244. Na seve pharusāṃ sāmim, na ca seveyya maccharim;  
Tato apagaṇha sāmim, neva niggahitaṃ tato.
245. Kudesaṅca kumittaṅca, kukulaṅca kubandhavaṃ;  
Kudāraṅca kudāsaṅca, dūrato parivajjaye.
246. Sītavāco bahumitto, pharusō appamittako;  
Upamā ettha ñātābbā, sūriyacandarājūnaṃ.
247. Ahitā paṭisedho ca, hitesu ca payojanaṃ;  
Byasane apariccāgo, itidaṃ mittalakkhaṇaṃ.
248. Piyo garu bhāvanīyo, vattā ca vacanakkhamo;  
Gambhīraṅca kathaṃ kattā, no caṭṭhāne niyojako;  
Tādisaṃ mittaṃ seveyya, bhūtikāmo vicakkhaṇo.
- Piyo garu bhāva nīyo, vattā ca vacanakkhamo;  
Gambhiraṅca kathaṃ kattā, no caṭṭhāne niyojako.
- Yamhi etāni ṭhānāni, saṃvijjantidha puggale;  
So mitto mittakāmena, atthakāmānukampato;  
Api nāsiyamānena, bhajitabbo tathāvidho.
249. Orasaṃ katasambandhaṃ, tathā vaṃsakkamāgataṃ;  
Rakkhako byasanehi, mittaṃ ñeyyaṃ catubbidhaṃ.

250. Piyo garu bhāvaniyo, vattā ca vacanakkhamo;  
Gambhirañca kathaṃ kattā, na caṭṭhāne niyojako;  
Taṃ mittam mittakāmena, yāvajīvampi seviyam.

Piyo garu bhāvanīyo, vattā ca vacanakkhamo;  
Gambhirañca kathaṃ kattā, no caṭṭhāne niyojako;  
Tādisaṃ mittam seveyya, bhūtikāmo vicakkhaṇo.

## Rājakaṇḍa

251. Mahājanam yo rañjeti, catūhipi vatthūhi vā;  
Rājāti vuccate loke, iti sallakkhaye vidvā.

252. Dānañca atthacariyā, piyavācā attasamaṃ;  
Saṅgahā caturo ime, munindena pakāsītā.

Dānampi atthacariyatañca, piyavāditañca samānattatañca;  
Kariyacariyasusaṅgahaṃ bahūnaṃ, anavamaterna guṇena yāti saggam;

Dānañca peyyavajjañca, atthacariyā ca yā idha;  
Samānattatā ca dhammesu, tatta tatta yathārahaṃ;  
Ete kho saṅgahā loke, rathassāṇīva yāyato.

253. Dānam sīlam pariccāgam, ajjavam maddavam tapam;  
Akkodham avihimsañca, khantī ca avirodhanam;  
Dasete dhamme rājāno, appamattena dhārayum.

254. Ekayāmam saye rājā, dviyā maññeva paṇḍito;  
Gharāvāso tiyāmo, catuyāmo tu yācako.

255. Aputtakam gharam suññam, raṭṭham suññam arājakam;  
Asippassa mukham suññam, sabbasuññam daliddattam.

256. Dhanamicche vāñjeyya, vijjamicche bhaje sutam;  
Puttamicche taruñithim, rājāmaccam icchāgate.

257. Pakkhīnam balamākāso, macchānamudakam balaṃ;  
Dubbalassa balaṃ rājā, kumārānam rudaṃ balaṃ.

258. Khamā jāgariyuṭṭhānam, samvibhāgo dayikkhaṇā;  
Nāyakassa guṇā ete, icchitabbā satam sadā.

259. Sakim vadanti rājāno, sakim samaṇabrāhmaṇā;  
Sakim sappurisā loke, esa dhammo sanantano.

260. Alaso gīhi kāmabhogī na sādhu,  
Asaññato pabbajito na sādhu;  
Rājā na sādhu anisammakārī,  
Yo paṇḍito kodhano tam na sādhu.

261. Āyam khayam sayam jaññā, katākatam sayam jaññā;  
Niggahe niggahārahaṃ, paggahe paggaḥārahaṃ.

262. Mātā puttakatam pāpam, sissakatam guru tathā;  
Rājā raṭṭhakatam pāpam, rājakatam purohito.

263. Akkodhena jine kodhaṃ, asādhumaṃ sādhanā jine;  
Jine kadariyaṃ dānena, saccenālikavādināṃ.
264. Adantadamaṇaṃ dānaṃ, dānaṃ sabbatthasādhakaṃ;  
Dānena piyavācāya, unnamanti namanti ca.  
  
Adantadamaṇaṃ dānaṃ, adānaṃ dantadūsakaṃ;  
Dānena piyavācāya, unnamanti namanti ca.
265. Dānaṃ sinehabhesajjaṃ, maccheraṃ dosanosadhaṃ;  
Dānaṃ yasassībhesaṃ, maccheraṃ kapaṇosadhaṃ.
266. Na raññā samakaṃ bhujje, kāmaḥogaṃ kudācanaṃ;  
Ākappaṃ rasabhuttaṃ vā, mālāgandhavilepanaṃ;  
Vatthasabbamalaṅkāraṃ, na raññā sadisaṃ kare.
267. Na me rājā sakhā hoti, na rājā hoti samako;  
Eso sāmiko mayhanti, citte niṭṭhaṃ saṅṭhāpaye.
268. Nātidūre bhaje rañño, naccāsanne pavātake;  
Ujke nātininne ca, na bhaje uccamāsane;  
Cha dose vaje sevakō, aggīva saṃyato tiṭṭhe.  
  
Na pacchato na purato, nāpi āsannadūrato;  
Na kacche nopi paṭivāte, na cāpi oṇatuṇṇate;  
Ime dose vivajjetvā, ekamantaṃ ṭhitā ahu –
269. Jappena mantena subhāsitena,  
Anuppadānena paveniyā vā;  
Yathā yathā yattha labhetha atthaṃ,  
Tathā tathā tattha parakkameyya.
270. Kassako vāṇijo macco, samaṇo sutasīla vā;  
Tesu vipulajātesu, raṭṭhampi vipulaṃ siyā.
271. Tesu dubbalajātesu, raṭṭhampi dubbalaṃ siyā;  
Tasmā saraṭṭhaṃ vipulaṃ, dhāraye raṭṭhabhāravā.
272. Mahārukkhassa phalino, āmaṃ chindati yo phalaṃ;  
Rasañcassa na jānāti, bījañcassa vinassati.
273. Mahārukkhūpamaṃ raṭṭhaṃ, adhammena pasāsati;  
Rasañcassa na jānāti, raṭṭhañcassa vinassati.
274. Mahārukkhassa phalino, pakkaṃ chindati yo phalaṃ;  
Rasañcassa vijānāti, bījañjassa na nassati.
275. Mahārukkhūpamaṃ raṭṭhaṃ, dhammena yo pasāsati;  
Rasañcassa vijānāti, raṭṭhañcassa na nassati.

## Nāyaka kaṇḍa

276. Anāyakā vinassanti, nassanti bahunāyakā;  
Thīnāyakā vinassanti, nassanti susunāyakā.

277. Gavaṃ ce taramānānaṃ, ujum̐ gacchati puṅgavo;  
Sabbā gāvī ujum̐ yanti, nette ujum̐ gate sati.

278. Evameva manussesu, yo hoti seṭṭhasammato;  
So sace dhammaṃ caratī, pageva itarā pajā.  
Gavaṃ ce taramānānaṃ, ujum̐ gacchati puṅgavo;  
Sabbā gāvī ujum̐yanti, nette ujum̐ gate sati.

Evameva manussesu, yo hoti seṭṭhasammato;  
So sace dhammaṃ caratī, pageva itarā pajā;  
Sabbam̐ raṭṭham̐ sukham̐ seti, rājā ce hoti dhammiko.

279. Nodayāha vināsāya, bahunāyakatā bhusaṃ;  
Milāyanti vinassanti, padmānyakkehi sattahi.

280. Sutārakkho abhiyogo, kulārakkho vattaṃ bhava;  
Vijjā hi kulaputtassa, nāyakassāpamādako.

## Puttakaṇḍa

281. Abhijātaṃ anujātaṃ, puttamicchanti paṇḍitā;  
Avajātaṃ na icchantī, yo hoti kulagandhano.

282. Pañcaṭṭhānāni sampassaṃ, puttamicchanti paṇḍitā;  
Bhato vā no bharissati, kiccaṃ vā no karissati.

283. Kulavaṃso ciraṃ tiṭṭhe, dāyajjaṃ paṭipajjati;  
Atha vā pana petānaṃ, dakkhinaṃ anupadassati.

284. Bahuputte pitā eko, avassaṃ poseti sadā;  
Bahuputtā na sakkonti, posetuṃ pitarekakaṃ.

285. Puttaṃ vā bhātaraṃ duṭṭhu, anusāseyya no jahe;  
Kinnu chejjaṃ karaṃ pādaṃ, littam̐ asucinā siyā.

## Vejjācariya kaṇḍa

286. Āyubedakatābhyāso, sabbesaṃ piyadassano;  
Ariyasīlaguṇopeto, esa vejjo vidhīyate.

287. Nānāganthajānanañca, sudiṭṭhakammasampadā;  
Dakkhatā hatthasīghatā, pasādasūrasattitā.

288. Sābhāvikatankhaṇika-ñāṇasubhāsītāpi ca;  
Ussāho dabbo sabbatā, vejjācerassa lakkhaṇaṃ;

289. Kiliṭṭhavatthaṃ kodho ca, atimānañca gammatā;  
Animantitagamaṇaṃ, ete pañca vivajjiyā.

290. Diṭṭhakammatā socañca, dakkhatā veditāgamo;  
Cattāro subhisakkassa, suguṇā viññunā matā.

291. Rujāya jayalakkhaṇaṃ, raso ca bhesajjampi ca;  
Tilakkhaṇabhedo ceva, viññeyyo bhisakkena ve.

## Dāsaka kaṇḍa

292. Antojāto dhanakkīto, dāsabyopagato sayam;  
Dāsākaramarānīto-ccevaṃ te catudhā siyuṃ.
293. Pubbuṭṭhā pacchānipātī, dinnassa ādāyīpi ca;  
Sukatakammakaro ca, kittivaṇṇaharopi ca.
294. Dāsā 0.0177 pañceva corayya-sakhāñātyattasādisā;  
Tathā viññūhi viññeyyā, mittadārā ca bandhavā.

## Itthikaṇḍa

295. Āsā lokitthiyo nāma, velā tāsam na vijjati;  
Sārattā ca pagabbhā ca, sikhī sabbaghaso yathā;  
Tasmā tāyo hitvāna, brūheyya vivekaṃ sudhī.
- Āsā lokitthiyo nāma, velā tāsam na vijjati;  
Sārattā ca pagabbhā ca, sikhī sabbaghaso yathā;  
Tā hitvā pabbajissāmi, vivekamanubrūhayam.
296. Loke hi aṅganā nāma, kodhanā mittabhedikā;  
Pisukā akataññū ca dūrato parivajjaye.
297. Yathā nadī ca pantho ca, pānāgāraṃ sabhā papā;  
Evaṃ lokitthiyo nāma, nāsam kujjhanti paṇḍitā.
298. Sabbā nadī vaṅkagatī, sabbe kaṭṭhamayā vanā;  
Sabbitthiyo kare pāpaṃ, labhamāne nivātake.
299. Ghaṭakumbhasamā nārī, tatthaṅgārasamo pumā;  
Tasmā ghatañca aggiñca, nekatra ṭhapaye budho.
300. Itthīnañca dhanam rūpaṃ, purisānaṃ vijjā dhanam;  
Bhikkhūnañca dhanam sīlam, rājānañca dhanam balaṃ.
301. Pañcāratyā sugandhabbā, sattāratyā dhanuggahā;  
Ekamāsā subharyā, aḍḍhamāsā sissā malā.
302. Jiṇṇe annam pasamseyya, dārañca gatayobbane;  
Raṇapunāgate sūram, sassañca gehamāgate.
303. Dvitipati nārī ceva, vihāradviti bhikkhu ca;  
Sakuṇo dvitipāto ca, katamāyābahutarā.
304. Ratti vinā na candimā, vīcivinā ca sāgaro;  
Haṃsavinā pokkharāṇī, pativinā kaññā sobhe.
305. Asantuṭṭhā yatī naṭṭhā, santuṭṭhāpi ca patthi vā;  
Salajjā gaṇikā naṭṭhā, nillajjā ca kulitthiyo.
306. Corīnam bahubuddhīnam, yāsu saccaṃ sudullabham;  
Thīnam bhāvo durājāno, macchassevo'dake gataṃ.

307. Analā mudusambhāsā, duppūrā tā nadīsamā;  
Sīdanti naṃ viditvāna, ārakā parivajjaye.
308. Āvaṭṭanī mahāmāyā, brahmacariyavikopānā;  
Sīdanti naṃ viditvāna, ārakā parivajjaye.
309. Itthīpi hi ekacciyā, seyyā posa janādhipa;  
Medhāvinī sīlavatī, sassudevā patibbatā;
310. Tassā yo jāyati poso,  
Sūro hosa disampati;  
Tādisā subhagiyā putto,  
Rajjampi anusāsati.
311. Sallape asihatthena, pisācenāpi sallape;  
Āsīvisampi āsīde, yena daṭṭho na jīvati;  
Na tveva eko ekāya, mātugāmena sallape.
312. Na hi sabbesu ṭhānesu, puriso hoti paṇḍito;  
Itthīpi paṇḍitā hoti, tattha tattha vicakkhaṇā.
313. Na hi sabbesu ṭhānesu, puriso hoti paṇḍito;  
Itthīpi paṇḍitā hoti, lahuṃ atthavicintikā.
314. Kūpodakaṃ vaṭacchāyā, sāmāthī iṭṭhakālayaṃ;  
Sītakāle bhava uṇhaṃ, uṇhakāle ca sīlāmaṃ.
315. Itthiyo ekacciyāpi, seyyā vuttāva muninā;  
Bhaṇḍānaṃ uttamā itthī, aggūpaṭṭhāyikā iti.

## Pakiṇṇakakaṇḍa

316. Kulasīlaguṇopeto, sabbadhammaparāyaṇo;  
Pavīṇo pesanājjhakkho, dhammajjhakkho vidhīyate.
317. Vedavedaṅgatatvañño, jappahomaparāyaṇo;  
Āsīvādavacoyutto, esa rājapurohito.
- Kappo byākaraṇaṃ joti – satthaṃ sikkhā nirutti ca;  
Chandoviciti cetāni, vedaṅgāni vadanti cha.
318. Sakiṃ vuttagahitatto, lahuhattho jitakkharo;  
Sabbasatthasamālokī, pakatṭho nāma lekhako.
319. Samattanītisatthañño, vāhane pūritassamo;  
Sūrāvīraguṇopeto, senājjhakkho vidhīyate.
320. Sudhī vākyapaṭu, pañño, paracittopalakkhaṇo;  
Dhīro yathātthavādī ca, esa dūto vidhīyate.
321. Puttanattaguṇopeto, satthañño rasapācako;  
Sūro ca kathino ceva, sūpakāro sa vuccate.
322. Ingitākāratattañño, balavāpiyadassano;  
Appamādī sadā dakkho, patīhāro sa uccate.

323. Itthimisse kuto sīlaṃ, maṃsabhakkhe kuto dayā;  
Surāpāne kuto saccaṃ, mahālobhe kuto lajjā;  
Mahātande kuto sippaṃ, mahākodhe kuto dhaṇaṃ.
324. Surāyogo velālo ca, samajjacaraṇaṅgato;  
Khiḍḍā dhutto pāpamitto, alaso bhogaṇāsakā.
325. Jīvantāpi matā pañca, byāsenā parikittitā;  
Dukkhito byādhiti mūlho, iṇavā niccasevako.
326. Niddāluko pamādo ca, sukhito rogavālaso;  
Kāmuko kammārāmo ca, sattete satthavajjitā.
327. Goṇāhi sabbagihīnaṃ, posakā bhogaḍāyako;  
Tasmā hi mātāpitūva, mānaye sakkareyya ca.
328. Yathā mātā pitā bhātā, aññevāpi ca ñātakā;  
Gāvo no paramā mittā, yāsu jāyanti osadhā.
329. Annadā baladā cetā, vaṇṇadā sukhadā tathā;  
Etamatthavasāṃ ñatvā, nāsu gāvo haniṃsu te.
330. Ye ca khādanti gomaṃsaṃ, mātumaṃsaṃva khādare;  
Matesu tesu giḃjhānaṃ, dade sote ca vāhaye.
331. Dviguṇo thīnamāhāro, buddhicāpi catugguṇo;  
Chagguṇo hoti vāyāmo, kāmotvaṭṭhaguṇo bhava.
332. Na loke sobhate mūlho, kevalattapasāṃsako;  
Api sampihite kūpe, katavijjo pakāsate.
333. Kosajjaṃ bhayato disvā, vīriyārambhañca khemato;  
Āradhāvīriyā hotha, esā buddhānusāsānī.
334. Vivādaṃ bhayato disvā, avivādañca khemato;  
Samaggā sakhilā hotha, esā buddhānusāsānī.
335. Pamādaṃ bhayato disvā, appamādañca khemato;  
Bhāvetthaṭṭhaṅgikaṃ maggaṃ, esā buddhānusāsānī.
336. Garahā ca pasāṃsā ca, aniccā tāvakālikā;  
Appakācekadesāva, na tā ikkheyya paṇḍito;  
Dhammādhammaṃva ikkheyya, atthānatthaṃ hitāhitaṃ.

## Kavidappaṇānī

1. Pakhukkūpuraseṭṭhassa, pacchime āsi vissuto;  
Catugāvutadesamhī, kanarayagāmo susobhano.
2. Dvino dviveka sākamhi, tamhi jātena jātiyā;  
Laṅkābhārataādīsu, vuṭṭhapubba sutesinā.
3. Visutārāma sīhānaṃ, sikkhitena tipetaṃ;  
Santike navavassāni, saṃgītikiccakārinā.

4. Dakkhiṇārāma vāsīnaṃ, santikepi suviññaṇaṃ;  
Sikkhiteṇa sattavīsa-vassitvāna yasassinā.
5. Sundare puraseṭṭhamhi, sundare visute subhe;  
Sundare jotipālamhi, vasatā gaṇavācinā.
6. Nissāya peṭake ceva, anekanīti potthake;  
Bahule ganthaseṭṭhepi, katoyaṃ vidhumānito.
7. Tiṭṭhataṃ ayaṃ me gantho, susāro yāva sāsanaṃ;  
Tiṭṭhateva sutesīnaṃ, susāraṃ supakāsayaṃ.
8. Anena suvisiṭṭhena, puññaenaññaṇa kammunā;  
Manisibhigurūheva, gaccheyyaṃ amataṃ sivaṃ.

“Āṅgārino dāni dumā bhadante”

“Yathāpi rammako māso, gimhānaṃ hoti brāhmaṇa;  
Ate‘va’ññehi māsehi, dumapumphehi sobhati”.

“Vanappagumbe yathaphussitagge,  
Gimhāna māse paṭhamasmiṃ gimhe” –

Namo tassa bhagavato arahato sambāsambuddhassa

## Paṇāma paṭiñña

Vatthuttayaṃ namasitvā, ācere kavipuṅgave;  
Kassaṃ dvādasamāsānaṃ, bandhaṃ tammāsavasikaṃ.

1. Cittasammataṃ māso hi, atevaññehi sobhati;  
Rammakamāso rammamāso, teneva vohāro bhavi.
2. Tasmīṃ sucittamāsamhi, nāgadumā supupphare;  
Pupphanti asanadumā, vāyanti kānane hi ve.
3. Saṅkanta mahussavopi, tamhi māsamhi vattate;  
Gandhodakehi aññaññaṇaṃ, siñcamānā sumodare.

Yathāpi rammako māso, gimhānaṃ hoti brāhmaṇa;  
Ate‘va’ññehi māsehi, dumapupphehi sobhati.

Sambuddho cittaṃ māssa, kāḷapakke uposathe;  
Pātoyeva samādāya, pavaraṃ pattacīvaraṃ;  
Anukampāya nāgānaṃ, nāgadīpamupāgami.

4. Vesākhavhayamāso tu, suvisiṭṭho supākaṭo;  
Lokagganāthaṃ paṭicca, santehi abhilakkhito.
5. Tamhi vesākhamaṃ samhi, campakāpi supupphare;  
Bodhiṃ dakehi siñcitvā, sajjanā sampamodare.
6. Vanesuva potakāpi, pakkhandanti disodisaṃ;  
Vikūjantā sabhāsāya, janasotarasāyanaṃ.



- Dutiye divase bhatta-kāle ārocite jino;  
Ramme vesākhamāsamhi, puṇṇāmāyaṃ munissaro.
7. Jeṭṭhasammatamāsopi, sogatajanabbhantare;  
Vikhyāto lakkhañño ceva, jeṭṭhena saṃyuto hi ve.
  8. Tasmimhi jeṭṭhamāsamhi, sumanā vanamallikā;  
Pupphanti ca pavāyanti, sabbajanamanoharā.
  9. Parikkhaṇāsusabhāpi, abhavi mranamāmaṇḍale;  
Khetale jeṭṭhajotipī, pajjali tasmiñhi ve.
  10. Āsālho nāma māsopi, atīva visiṭṭho bhavi;  
Paṭisandhiṃ gaṇhi buddho, tasmiñhi muni sudhī.
  11. Nikkhamipi ca sambuddho, dhammacakkaṃ pavattayi;  
Upasampadakammampi, karonti tasmimpi hi.
  12. Punnāgadumā pupphanti, pavāyanti disodisaṃ;  
Ādicco tiṭṭhati tamhi, uttarāyānaḷoṭiyaṃ.
  13. Sīhe sāvaṇamāsamhi, salākadānamuttamaṃ;  
Denti sādhave mānusa, saddahantā vatthuttayaṃ.
  14. Pupphanti kaṭeruhāpi, tamhi sāvaṇamāsake;  
Khe savaṇanakkhattampi, atīva jotayī hi ve.
  15. Vassabbhantarabhūte ca, samaṇā sugatorasā;  
Māse vācanauggaṇha-kammaṃkaṃsu sukhāsaya.
  16. Kaññārāsisammatehi, poṭṭhapādasumāsake;  
Nadīsu dakapūritā, kaṭapatthasādisā.
  17. Nāvāmahāussavampi, karonti mānujā tadā;  
Kīḷanti sampamodanti, vijite nara nāriyo.
  18. Kañcanayamadumāpi, vikasanti tadā hi ve;  
Megho thokaṃ thokaṃ himaṃ, vassati patatipi ca.
  19. Vassike assayujimhi, vikasanti anekadhā;  
Padumādidakajāni, pupphāni manuññāni ve.
  20. Mahāpadīpapantīhi, sakalamranamābhūtale;  
Pūjenti lokagganāthaṃ, sādhave sogatājanā.
  21. Tapodhanā vicaranti, vassaṃvuṭṭhā disodisaṃ;  
Sādhave dānaṣoṇḍāva, sītāyanti sukhanti ca.
  22. Kattikamāsasetṭhepi, sampamodanti mānujā;  
Kosītakīpupphāni ca, vikasanti vāyanti ca.
  23. Kathinamahādānampi, dadanti sādhave janā;  
Tadā candakiraṇopi, atīva pajjoto ahu.
  24. Ahosi himapāto ca, uttaravāto pavāyati;  
Kattikajotichaṇopi, ahosi tasmiñhi ve.

25. Dhanurāsīmāgasira, māse hemantasammate;  
Sattidharasupūjāvha, sabhāpi sampavattitā.
26. Devasammatapupphāni, manuññarucirānīpi;  
Pupphanti tamhi māsamhi, himapāto ahosi ca.
27. Vīhayo honti pakkā ca, khettesu mranamābhūtale;  
Migasiranakkhattampi, joteti ākāsaṅgaṇe.
28. Makāre phussamāsepi, pupphanti pavāyanti ca;  
Sunīlavallipupphāni, janamanoharānīpi.
29. Senābyūhampi karonti, bhūpālā mranamāraṭṭhikā;  
Saparīsā udikkhanti, hatthiassādiādayo.
30. Tamhisī atisītalampi, dakkhiṇāyanakoṭṭiyam;  
Aṭṭhāpuṇṇamadinamhi, sūriyo lokamānito.

Bodhito navame māse, phussapuṇṇamiyam jino;  
Laṅkādīpam visodhetum, laṅkādīpamupāgami.

31. Kumbhesu māghamāsehi, tūladumā supupphare;  
Pumtālā madhurarasaṃ, mānujānaṃ dadanti ca.
32. Yāgumahāussavopi, pākaṭo mranamābhūtale;  
Avasesasu meghopi, thanayam abhivassati.
33. Naranārī manuññāni, padarāni paṇḍāni ca;  
Pucimandadumā nava-pattāni dhārentīpi ca.
34. Mine phagguṇamāsamhi, surabhigandhikā subhā;  
Pupphanti vanamhi dumā, navapattehi sobhare.
35. Dakkhiṇadesato tamhi, vāto pavāyati hi ve;  
Vālukapiṭṭhe vāluka-thūpe katvāna pūjayyum.
36. Pathamagimha māsamhi, nānādumāti pupphare;  
Tena sabbampi vipinaṃ, vicittaṃ dassaniyañhi ve.

Visute jotipālamhi, visutamhi nīketane;  
Vasatā nekaganthānaṃ, lekhakena kato ayam.